



NA MI MAMA

*Awe cu mundo henter, ta celebra contento
E dia dedica na e mamanan stima
Cu frasenan sensiyo ariba olanan di biento
Mi voz lo alcanza mi mama aprecia*

*Un himno di gratitud, ta den su sercania
Palabranan sincero di inmenso stimacion
Un oracion na cielo ta sali ariba e dia
Pa pidi Dios su gracia y hopi bendicion*

*Riquezanan di mundo ta poko pa brinde
Regalanan di plata y oro no tin balor
Pa tur loke ela haci, su yiu no por page
Ta e tesoro grandi di un mama su amor*

*Awe ariba e dia grandi cu plena afleccion
Lo mi inclina di nobo pa ricibi su emocion
E cruz ariba mi frente e man di bendicion
Di mi mama bieu na aña pero joven na curazon*

*Dios dune bida largo, salud, conformidad
Pa e sigui reza semper pa nos pa bendicion
Y dia bo tume for di mi pa eternidad
Dune pa recompensa bo cielo pa mansion.*

Hubert Booi